





W1&2	Learning Area	Edukasyon sa Pagpapakatao	Grade Level	10
	Quarter	Ikatlo	Week	

I. LESSON TITLE	Pagmamahal sa Diyos
II. MOST ESSENTIAL LEARNING COMPETENCIES (MELCs)	33. Nakapagpapaliwanag ng kahalagahan ng pagmamahal ng Diyos 34. Natutukoy ang mga pagkakataong nakatulong ang pagmamahal sa Diyos sa kongkretong pangyayari sa buhay. 35. Napangangatwiran na: Ang pagmamahal sa Diyos ay pagmamahal sa kapwa. 36. Nakagagawa ng angkop na kilos upang mapaunlad ang pagmamahal sa Diyos. EsP10PB-IIIa-9.1, EsP10PB-IIIa-9.2, EsP10PB-IIIb-9.3, EsP10PB-IIIb-9.4
III. CONTENT/CORE CONTENT	Naipamamalas ng mag-aaral ang pag-unawa sa pagmamahal ng Diyos.

IV. LEARNING PHASES	Suggested Timeframe	Learning Activities
A. Introduction Panimula	40 minuto	Layunin ng aralin na ito na magabayan ka na maunawaan na bilang pinakaespesyal na nilalang, tayo ay dapat tumugon sa panawagan ng Diyos na mahal in Siya at ang lahat ng Kaniyang nilikha lalo’t higit ang ating kapuwa. Ang pagmamahal na ito ang susi ng pagpapalalim ng tao ng kaniyang pagmamahal at pananampalataya sa Diyos. Sa iyong sagutang papel ay gawin ang gawain sa ibaba. Sundin ang mga sumunod na panuto: Isulat sa loob ng kahon ang iyong mga katangian bilang tao ayon sa sumusunod na aspekto (pangkatawan, panlipunan, pangkaisipan, emosyonal, at espirituwal). Pagkatapos ay sagutin ang mga sumusunod na tanong.  Tanong: - Ano ang masasabi mo sa iyong mga katangian sa mga aspektong nabanggit? - Ano-ano ang iyong isinulat sa aspektong espirituwal? Ipaliwanag. - Sa iyong palagay, alin sa mga aspektong iyan ang pinakamahalaga? Bakit? Gawain sa Pagkatuto 1: Isulat sa loob ng bilog ang mga dahilan bakit mahalaga ang pagmamahal sa Diyos. Gawin ito sa iyong sagutang papel. 

		 Mga Tanong: 1. Madali ba para sa iyo ang sagutan ang naunang gawain? 2. Sa apat na dahilan na iyong isinulat, ano ang pinakahigit sa lahat? Pangatwiranan. 3. Paano ito makakatulong upang mapalapit ka pa sa Diyos?
B. Development Pagpapaunlad	140 minuto	Basahin sa Pagpapalalim sa pahina 241-249 sa <i>EsP 10 Learner's Material</i> ang sumusunod na talata patungkol sa ugnayan ng Diyos at tao at pagpapakita ng malalim na pagmamahal sa Panginoon. Sagutan sa sagutang papel ang mga tanong na nasa loob ng kahon.  Naranasan mo na bang magmahal? Kung naranasan mo na ito, ano ang iyong naging pakiramdam? Naging masaya ka ba o kakaiba ang iyong pakiramdam? Tila hindi mo napapansin ang paglipas ng oras sapagkat doon umiikot ang iyong mundo. Sa pagmamahal, binubuo ang isang maganda at malalim na ugnayan sa taong iyong minamahal. Sa ugnayang ito, nagkakaroon ng pagkakataon ang dalawang tao na magkausap, magkita, at magkakilala. Ito ay nagsisimula sa simpleng palitan ng usapan at maaaring lumalim kung patuloy ang kanilang ugnayan. Mas nagiging maganda at makabuluhan ang ugnayan kung may kasama itong pagmamahal.  Ang tao ang pinaka-espesyal sa lahat ng nilikha dahil hindi lamang katawan ang ibinigay sa kaniya ng Diyos kundi pinagkalooban din siya ng espiritu na nagpapabukodtangi at nagpapakawangis sa kaniya sa Diyos. Ngunit ang nagpapakatao sa tao ay ang kaniyang espiritu na kinaroroonan ng persona. Ang persona, ayon kay Scheler ay, “ang pagka-ako” ng bawat tao na nagpapabukod-tangi sa kaniya. Kaya’t ang espiritwalidad ng tao ay galing sa kaniyang pagkatao. Ito ay lalong lumalalim kung isinasabuhay niya ang kaniyang pagiging kalarawan ng Diyos at kung paano niya minamahal ang kanyang kapuwa. Ang <u>espiritwalidad</u> ay pagkakaroon ng diwa kung ang espiritu ng tao ay sumasalamin sa kaibuturan ng kaniyang buhay kasama - ang kaniyang kilos, damdamin, at kaisipan. Kaya’t anuman ang relihiyon ng isang tao- ito man ay <i>Kristiyanismo, Islam, Buddhismo</i> at iba pa- ang espiritwalidad ang pinakarurok na punto kung saan niya nakakatagpo ang Diyos. Ang tunay na diwa ng espiritwalidad ay ang pagkakaroon ng mabuting ugnayan sa kapuwa at ang pagtugon sa tawag ng Diyos. Ang tao ay naghahanap ng kahulugan ng kaniyang buhay. Mula sa kaniyang pagtatanong kung bakit siya umiiral. Sa harap ng mga pagsubok o problema na kaniyang pinagdaraan, marahil nagtatanong ang tao kung may Diyos bang makapagbibigay ng kasagutan sa kaniyang mga pagtatanong. Dito kailangan niya ang pananampalataya. Ang <u>pananampalataya</u> ay ang personal na ugnayan ng tao sa Diyos. Isa itong malayang pasiya na alamin at tanggapin ang katotohanan ng presensiya ng Diyos sa kaniyang buhay at sa pagkatao niya. Isa itong biyaya na maaaring Malaya niyang tanggapin o tanggihan. Sa pananampalataya, naniniwala at umaasa ang tao sa mga bagay na hindi nakikita. Sa pananampalataya, itinatalaga ng tao ang kaniyang paniniwala at pagtitiwala sa Diyos. Inaamin niya ang kaniyang limitasyon at kahinaan dahil naniniwala siyang anuman ang kulang sa kaniya ay pupunuan ng Diyos. Ang

	pananampalataya, tulad ng pagmamahal ay dapat ipakita sa gawa. Ito ay ang pagsasabuhay ng tao sa kaniyang pinaniniwalaan. Ikaw, kumusta naman ang iyong pananampalataya? Ito ba ay pananampalatayang buhay? Sa paanong paraan? Kung kaya't, ang pananampalataya ay hindi maaaring lumago kung hindi isinasabuhay para sa kapakanan ng kapuwa. Naipapahayag ng tao ang kaniyang pananampalataya sa Diyos sa pamamagitan ng aktuwal na pagsasabuhay nito. Wika nga ni Apostol Santiago sa Bagong Tipan, “Ang pananampalatayang walang kalakip na gawa ay patay” (Santiago 2:20). Ibig sabihin, ang mabuting kilos at gawa ng tao ang siyang matibay na nagpapakita ng kaniyang pananampalataya at pagmamahal sa Diyos. “Huwag mong gawin sa iba ang ayaw mong gawin nila sa iyo”. Anoman ang gawin mo sa iyong kapuwa, ginagawa mo sa iyong sarili. Naipapahayag ang pananampalataya sa Diyos sa pamamagitan ng relihiyon. Maaaring iba't iba ang relihiyon at ang pamamaraan ng pagsasabuhay ng pananampalataya, mahalagang igalang ang mga ito. Magkakaiba man ang turo o aral ng bawat isa, ang mahalaga ay nagkakaisa sa iisang layuning magkaroon nang malalim na ugnayan ang tao sa Diyos at kapuwa. Ang pananampalataya ay dapat ding alagaan upang mapanatili ang ningas nito. Naririto ang ilan sa mga dapat gawin upang mapangalagaan ang ugnayan ng tao sa Diyos. 1. <u>Panalangin</u> – Ito ay paraan ng pakikipag-ugnayan ng tao sa Diyos. Sa panalangin, ang tao ay nakapagbibigay ng papuri, pasasalamat, paghingi ng tawad, at paghiling sa Kaniya. 2. <u>Panahon ng Pananahimik o Pagninilay</u> – Sa buhay ng tao, napakahalaga ang pananahimik. Ito ay makatutulong upang ang tao ay makapagisip at makapagnilay. 3. <u>Pagsisimba o Pagsamba</u> – Anuman ang pinaniniwalaan ng tao, mahalaga ang pagsisimba o pagsamba saan man siya kaanib na relihiyon. 4. <u>Pag-aaral ng Salita ng Diyos</u> – Upang lubos na makilala ng tao ang Diyos, nararapat na malaman ang Kaniyang mga turo o aral. 5. <u>Pagmamahal sa Kapuwa</u> – Hindi maaaring ihiwalay sa tao ang kaniyang ugnayan sa kapuwa. Ito ang isang dahilan ng pag-iral ng tao, ang mamuhay kasama ang kapuwa. 6. <u>Pagbabasa ng mga aklat tungkol sa espiritwalidad</u> – Malaki ang naitutulong ng pagbabasa ng mga babasahin na may kinalaman sa espiritwalidad. Ito ay nakatutulong sa paglago at pagpapalalim ng pananampalataya ng isang tao. Tanong: Alin sa sumusunod na paraan ang iyong nagagawa upang mapalalim ang iyong ugnayan sa Diyos? Ipaliwanag. Sinasabi sa Juan 4:20, “Ang nagsasabi na iniibig ko ang Diyos, subalit napopoot naman sa kaniyang kapatid ay isang sinungaling. Kung ang kapatid na kaniyang nakikita ay hindi niya magawang ibigin, paano niya maiibig ang Diyos na hindi niya nakikita?” Mayroon tayong tinatawag na <u>Apat na Uri ng Pagmamahal</u> ayon kay C.S. Lewis. 1. <u>Affection</u> – Ito ay ang pagmamahal bilang magkakapatid, lalo na sa mga magkakapamilya o maaaring sa mga taong nagkakilala at naging malapit o palagay na ang loob sa isa’t isa. 2. <u>Philia</u> – Ito ay pagmamahal ng magkakaibigan. Mayroon silang iisang tunguhin o nilalayon na kung saan sila ay magkakaugnay. 3. <u>Eros</u> – Ito ay pagmamahal batay sa pagnanais lamang ng isang tao. Kung ano ang makapagdudulot ng kasiyahan sa kaniyang sarili. Halimbawa: Mahal mo siya dahil maganda siya. Ito ay tumutukoy sa pisikal na nais ng isang tao. 4. <u>Agape</u> – Ito ang pinakamataas na uri ng pagmamahal. Ito ay ang pagmamahal na walang kapalit. Ganyan ang Diyos sa tao. Patuloy na nagmamahal sa kabila ng mga pagkukulang at patuloy na pagkakasala ng tao ay patuloy pa rin Niyang minamahal dahil ang TAO ay mahalaga sa Kaniya.
--	---

		Kung gayon, ang bawat isa sa atin ay inaanyayahan na tularan ang Diyos. Sikapin natin na mahalín ang ating kapuwa dahil ito ang palatandaan ng pagmamahal natin sa Diyos na Lumikha. Tanong: Nagsusumikap ka bang magmahal para sa Diyos? Pangatwiranan. Gawain sa Pagkatuto 2: Suriin ang mga sitwasyon na nasa loob ng kahon. Sa tapat nito ay isulat kung ano ang iyong gagawin upang mapangatwiranán mo na ang pagmamahal sa Diyos ay nakatutulong upang malagpasan ang mga pagsubok sa buhay at ito ay nangangahulugan ng pagmamahal sa kapwa. <table><tr><th>Mga sitwasyon</th><th>Ang aking gagawin</th></tr><tr><td>1. Mahal na mahal mo ang iyong mga magulang. Isang araw, habang ikaw ay nasa paaralan, nakatanggap ka ng balita na naaksidente sila at nag-aagaw buhay sa ospital. Hindi ka nakalilimot sa Diyos sa araw-araw at nagsisilbi ka sa inyong simbahan. Ngunit pareho silang binawian ng buhay dahil sa aksidente na kanilang sinapit. Sisihin mo ba ang Diyos sa pangyayaring ito?</td><td></td></tr><tr><td>2. Isang gabi, habang ikaw ay naglalakad pauwi sa inyong bahay, may nakita kang isang lalaking nakahandusay sa kalsada. Siya ay duguan at halos hindi na humihinga. Paglapit mo sa kaniya ay namukhaan mong siya ang lalaking bumugbog sa iyong ama na naging dahilan ng pagka-ospital nito. Ano ang iyong gagawin?</td><td></td></tr><tr><td>3. Kumatok ang iyong kapitbahay at humihingi sa iyo ng tulong dahil ang kaniyang anak ay may malubhang karamdaman. Noong araw na iyon, sakto lamang ang iyong pera para sa inyong gastusin sa bahay. Ano ang iyong gagawin?</td><td></td></tr></table>	Mga sitwasyon	Ang aking gagawin	1. Mahal na mahal mo ang iyong mga magulang. Isang araw, habang ikaw ay nasa paaralan, nakatanggap ka ng balita na naaksidente sila at nag-aagaw buhay sa ospital. Hindi ka nakalilimot sa Diyos sa araw-araw at nagsisilbi ka sa inyong simbahan. Ngunit pareho silang binawian ng buhay dahil sa aksidente na kanilang sinapit. Sisihin mo ba ang Diyos sa pangyayaring ito?		2. Isang gabi, habang ikaw ay naglalakad pauwi sa inyong bahay, may nakita kang isang lalaking nakahandusay sa kalsada. Siya ay duguan at halos hindi na humihinga. Paglapit mo sa kaniya ay namukhaan mong siya ang lalaking bumugbog sa iyong ama na naging dahilan ng pagka-ospital nito. Ano ang iyong gagawin?		3. Kumatok ang iyong kapitbahay at humihingi sa iyo ng tulong dahil ang kaniyang anak ay may malubhang karamdaman. Noong araw na iyon, sakto lamang ang iyong pera para sa inyong gastusin sa bahay. Ano ang iyong gagawin?																																											
Mga sitwasyon	Ang aking gagawin																																																			
1. Mahal na mahal mo ang iyong mga magulang. Isang araw, habang ikaw ay nasa paaralan, nakatanggap ka ng balita na naaksidente sila at nag-aagaw buhay sa ospital. Hindi ka nakalilimot sa Diyos sa araw-araw at nagsisilbi ka sa inyong simbahan. Ngunit pareho silang binawian ng buhay dahil sa aksidente na kanilang sinapit. Sisihin mo ba ang Diyos sa pangyayaring ito?																																																				
2. Isang gabi, habang ikaw ay naglalakad pauwi sa inyong bahay, may nakita kang isang lalaking nakahandusay sa kalsada. Siya ay duguan at halos hindi na humihinga. Paglapit mo sa kaniya ay namukhaan mong siya ang lalaking bumugbog sa iyong ama na naging dahilan ng pagka-ospital nito. Ano ang iyong gagawin?																																																				
3. Kumatok ang iyong kapitbahay at humihingi sa iyo ng tulong dahil ang kaniyang anak ay may malubhang karamdaman. Noong araw na iyon, sakto lamang ang iyong pera para sa inyong gastusin sa bahay. Ano ang iyong gagawin?																																																				
C. Engagement Pakikipagpalihan	40 minuto	Gawain sa Pagkatuto 3: Gumawa ng isang personal daily log na nagpapakita ng mga angkop na kilos upang mapaunlad ang pagmamahal sa Diyos. Gawin ito sa isang malinis na papel. <table><tr><th colspan="5">Personal Daily Log</th></tr><tr><th>Mga Araw</th><th>Ugnayan sa Diyos</th><th>Ugnayan sa Kapuwa</th><th>Mga Patunay</th><th>Lagda/Komento ng magulang</th></tr><tr><td>Lunes</td><td></td><td></td><td></td><td></td></tr><tr><td>Martes</td><td></td><td></td><td></td><td></td></tr><tr><td>Miyerkules</td><td></td><td></td><td></td><td></td></tr><tr><td>Huwebes</td><td></td><td></td><td></td><td></td></tr><tr><td>Biyernes</td><td></td><td></td><td></td><td></td></tr><tr><td>Sabado</td><td></td><td></td><td></td><td></td></tr><tr><td>Linggo</td><td></td><td></td><td></td><td></td></tr><tr><td></td><td></td><td></td><td></td><td></td></tr></table>	Personal Daily Log					Mga Araw	Ugnayan sa Diyos	Ugnayan sa Kapuwa	Mga Patunay	Lagda/Komento ng magulang	Lunes					Martes					Miyerkules					Huwebes					Biyernes					Sabado					Linggo									
Personal Daily Log																																																				
Mga Araw	Ugnayan sa Diyos	Ugnayan sa Kapuwa	Mga Patunay	Lagda/Komento ng magulang																																																
Lunes																																																				
Martes																																																				
Miyerkules																																																				
Huwebes																																																				
Biyernes																																																				
Sabado																																																				
Linggo																																																				
	10 minuto	Gawain sa Pagkatuto 4: Gumupit o maghanap ng larawan na nagpapakita ng mataas na paggalang at pagmamahal sa Diyos. Idikit ito sa malinis na papel at																																																		

		lagyan ng dalawa hanggang tatlong (2-3) pangungusap na magpapaliwanag bakit ito ang napili mong larawan.	
D. Assimilation Paglalatap	5 minuto	Ang _____ ay hindi maaaring lumago kung hindi _____ para sa kapakanan ng kapuwa. Naipapahayag ng tao ang kaniyang pananampalataya sa _____ sa pamamagitan ng aktuwal na _____ nito. Ang bawat isa sa atin ay inaanyayahan na tularan ang Diyos. Sikapin natin na _____ ang ating kapuwa dahil ito ang palatandaan ng pagmamahal natin sa _____ na Lumikha.	
VI. REFLECTION	5 minuto	Paano mo mapalalago at mapalalalim ang iyong pagmamahal sa Diyos at pakikipag-ugnayan sa kapuwa gamit ang iyong bagong kaalaman at reyalisasyon na iyong natutuhan? Isulat ang iyong	
Prepared by:	OFELIA S. PORCIUNCULA Teacher III LUMOT NATIONAL HIGH SCHOOL District of Cavinti SDO Laguna Province		Checked by: Ana R. Reblora PSDS/ EsP & Guidance Focal/In-charge SDO Laguna Province
Sanggunian: Edukasyon sa Pagpapakatao 10 (Learner's Material), pahina 235 – 252.			